

INUIT ATAQATIGIIT

INATSISARTUNI



24.05.2013

Inatsisartut Suleriaasianni § 37 naapertorlugu Naalackersuisunut imaattunik apeqquteqar-punga.

(Inatsisartuni ilaasortaq Kalistat Lund, Inuit Ataqatigiit)

Apeqqutit:

1. Naalackersuisut sunik qanorlu pilersaaruteqarpat Nunatta Kujataani annertuumik Radon-eqarfiusuni, Radon-ip peqqissutsimut akornutaasin-naaneranut illersuutaasussanik? Pilersaaruteqartoqarsimappat tamanna qaqugu pissava qaqugulu saqqummiunneqassava?
2. Naalackersuisut qanoq iliuseqarniarpat Narsami Atuarfiup nutarterne-qarluni iluarsartuunneqarnissaata piaartumik aallartinneqarnissaa angu-niarlugu, tamatumalu pinissaa qaqugu naatsorsuutigineqarpa?
3. Naalackersuisut pilersaaruteqarpat, maannakkorpiaq Narsap Atuarfiani Radon-imik ajornartorsiuteqarnerup aaqqiivigineqarnissaa pillugu?
4. Periutsit sunarpiaat atorniarneqarpat pilersaarutigineqarpalluunniit, pisor-tanit illuutigineqartuni, soorlu paaqqinnittarfinni, utoqqaat illuini, atuarfinni ilinniarfinniluunniit Radon-ip atuisunut eqquinerlunginnissaa pillugu?
5. Pisortat illuutaanni Radon-eqassutsimut killissarititaasup qaffasinnerpaaf-fissaa qanoq annertutigisinnaassasoq Naalackersuisut isumaqarpat?

Tunggavilersuut:

Ilisimaneqarpoq nunatta kujataani, Radon, WHO-mit killissaritinneqartoq qaanagerlugu annertussusilik arlalinni atuuttoq. Siornatigut 200 Bq/m³ annertunerpaaffissatut killiliun-neqartaraluartoq ukiuni kingullerni 100Bq/m³-mut apparneqarnikuuvoq, ilisimaneqarmat annertussutsit pineqartut qulaallugit inissisimalersimasoqartillugu napparsimalissutaasin-naasartoq.

Soorlu Narsap Atuarfiani misissuisoqarmat paasineqarpoq atuarfiup ilaanni 730 Bq/m³ angullugu silaannaq Radon-imik akoqartoq. Tamanna WHO-p innersuussutaa qaange-rujussuarlugu annertussuseqarpoq.

Illumik piginnittut tassaassussaammata, illup isumannaatsuulluni innuttaasunit sulisunillu atorneqarsinnaanissaannik qularnaarinnittuussasut, neriuutigaa Naalackersuisut akisus-saaffimmik tigusillutik, pisortat illuutaasa qularnaatsumik tamanit sioragineqaratik atorne-qarsinnaanissaat pingaartillugu aaqqiissuteqarfigissagaat.